

نومه دوئم پولس رسول و کلیسا قرنتس

یکه مری هُدی مرگنو نه دَنه. اما یئو گرد بی تا نه و خومو بلیکم توکلمو و خدائی با که مُردهیا نه زنه می که. ^{۱۰} خدا ایما نه د چنی خطر مرگ دباری راهائی ده، و راهائی می نه. اُمیدمو ها و او، که دوازه ایما نه راهائی می نه. ^{۱۱} شما هم بایس و دعا کمکمو بکیت، تا خیلی یا، و سَنه ایما بَنیئن و شکرکرده، و سَنه او برکتی که د جُئو دعایا خیلی یا وُمو رَسس.

عوض بی په برنامه سفر پولس

^{۱۲} سی یکه فخر ایما، شهادتی وجدانمونه، یکه د ای دنیا و سادِهی و ری راسی که د خدا آ رفتار کردیم، نه و حکمت بشری بلیکم بنا و فیض خدا رفتار کردیم و چنی بیشتر نسوت و شما. ^{۱۳} سی یکه ایما چیئی غیر یکه موحونیت و می قَمیت سیئو نمی نیسنیم و مه اُمیدم ها و به که خو بَقَمیت - ^{۱۴} هه چنو که گم گتی ایما نه فَمسیت، تا د روز خداوندمو عیسی هه چنو که ایما و شما می بالنیم، شما هم و ایما ببالنیت.

^{۱۵} سی یکه د یه خاطر جمع بیئم، می حاسم اول بیام و ته شما تا سی گل دوئم فیض نه تجربه بکیت. ^{۱۶} می حاسم د سر زه و ولات مقدونیه بیام و دیته یئو، و د مقدونیه ورگردم والاو و شما مه نه ر بکیت والا ولات یهودیه. ^{۱۷} یعنی هه که می حاسم ای کار نه بکم دو و

۱ د لا پولس که و حاس خدا رسول عیسی مسیح آ، و برارمو تیموتائوس، و کلیسای خدا د قرنتس، و گرد ایموداریا و مسیح د سرتاسر ولات آخائیه: ^۲ فیض و سلامتی د لا بوه ایما خدا و خداوند عیسی مسیح، و شما با!

خدای گرد دل گوهدیا

^۳ هورم با خدا و بوه خداوندمو عیسی مسیح، که بوه رحمت یا و خدای گرد دل گوهدیا آ، ^۴ که د گرد تنگی یا ایما نه دل گوهدی نه، تا ایما هم تونسونیم و دل گوی ای که د او گرتیمه، وئونی نه که هان د عذو، دل گوهدی بیئم. ^۵ سی یکه هه چنو که د عذویا مسیح و قَت فراوو بر موریم، و واسطه مسیح قَت فراوو د دل گوهدی بر موریم. ^۶ آر هایم د تنگی، و سَنه دل گوی و نجات شما نه، و آر دل گوی داریم، وه هم سی دل گوی شما نه، و یه و کار میا هه که شما هم هه او عذویائی نه که ایما می کشیم و حوصله طاقت میاریت. ^۷ اُمید ایما و شما ها و جا، سی یکه دُونیم هه چنو که د عذویا ایما هم بریت، د دل گوی یا ایما هم هم بر موئیت.

^۸ سی یکه برارو، ایما نمی حایم د تنگی یائی که د منطقه آسیا و سَرایما رت، بی خور بایت. سی یکه چنو طاقتمو نه طاق کردی که اُمیدی و زنه مَنه نااشتیم. ^۹ د راسی هم، گمو می کردیم

بِئِر آ وَه نِه بَوَخَشِيت وُ دِل گُوی بَئِيت، نَگَه
غُصَه زِباد، او نِه دِ پا دِراره. ^۸ پس وُئو مِ لالِکِم
مَحَبَتِ خُوئو نِه دِ سَر وِش نِشُو بَئِيت. ^۹ هِه
سِی يَه هَم سِئُو نِيسَنِم کِه اِمَتَحُونُو بَکِم وُ
بَئِينِم يعنی دِ هَر چِئِي مَطِيع هِيسِيت يا نَه؟
^{۱۰} هَر گَه نِه شِما بَوَخَشِيت مِه هَم وَه نِه
مِ وَخَشِيم. وِراسِی آر يکي نِه بَخَشِنِمَه - اَلَوَت
آر چِئِي سِی بَخَشِنِه بَوِئَه - دِ حُضُور مَسِیح
وُ سُنَه شِما چِئِي کِرِدِمَه، ^{۱۱} تا شِیْطُو بَازِیْمُو
يَنَه؛ سِی يکِه اِیما دِ نَشَخَه ياش بِي خَوَر نِيسِیم.

غَالُو اُومايَه دِ مَسِیح

^{۱۲} هِه کِه سِی موعِظَه اَنجِیل مَسِیح اُومام وِ
تَرُواس، وا يکِه دَرِي دِ خِداوند وِ رِیم گُئِيس،
^{۱۳} سِتارِم نِیمِ گِرِت سِی يکِه پَرارِم تِيتوس نِه دِ
اوچَه پِياش نَکِرِدِم. پس مَرْدُمُون اوچَه نِه يَتام
وُ رِئِم وِ مَقْدُونِيَه.

^{۱۴} اما خِدا نِه شَکَر، کِه هِه اِیما نِه دِ مَسِیح،
دِ رَه غَالُو اُومايَه نِ خُوش رَهبري مِ گَه، وُ عَطِر
شِناختِ او وُ وسيلَه اِیما، هَمَه جَا نِه مِی رَه دِ
وَر. ^{۱۵} سِی يکِه اِیما سِی خِدا بو خُوش مَسِیح
هيسِیم چِه دِ مِین وُئو کِه نِجَات پِیا مِی گَن وُ
چِه دِ مِین وُئو کِه نَابود مَوْن، ^{۱۶} سِی يکي بَوِئِي
دِ مَرگ کِه والا مَرگ مِی رَه، سِی يکي هَنی بَوِئِي دِ
زِنَه نِی کِه والا زِنَه نِی مِی رَه. کِتِه کِه سِی اِی چِیا
قَابِل بَا؟ ^{۱۷} سِی يکِه اِیما چِی خِیلي يا دَسَفِرُوش
کَلُوم خِدا نِيسِیم، بَلِکِم هِه چِی مَرْدِم رِياس کِه
دِ لا خِدا مامور بِنَه، دِ حُضُور خِدا دِ مَسِیح
قِصَه مِی کِیم.

پاکارِیا عَهْدِ جَدِيد

^۳ يعنی دُواره مِی نِیمُو وِ تَعْرِيف کِرِدِه دِ
خُومُو؟ يا اِیما هَم هِه چِی قَرِي،
هُوجَه دَارِیم، وُئو سَفارش نُومَه بَئِیم، يا دِ لا

شَک بَئِیم؟ يعنی مِه هَم چِی مَرْدِم اِی دُنیا
هِه کِه قِصَتِی مِی کِم، دِ يَه آن هَم مُومَن "آ" وُ
هَم مُومَن "نَه" نَه؟

^{۱۸} وُ حَق خِدا ئِي کِه تَفادار آ، قِصَه اِیما وِ شِما
"آ" وُ "نَه" نَوِيَه. ^{۱۹} سِی يکِه گُر خِدا، عِيسِی
مَسِیح، کِه مِه وُ سِیلِوانُوس وُ تِیمِوتائُوس، او
نِه دِ مِیْنُتُو اِعلُوم کِرِدِیم، "آ" وُ "نَه" نَوِي، بَلِکِم
دِ او هِه "آ" آ. ^{۲۰} سِی يکِه گِرِد وَعَدَه يا خِدا دِ او
"آ" آ. سِی يَنَه آ کِه، تَوسِطِ اوَنَه کِه اِیما وُ خِدا
وُ سُنَه جِلالِش "اَمِین" مُومَن. ^{۲۱} وُ يَه خِدا آ کِه
اِیما نِه وا شِما دِ مَسِیح سِیمَر مِی گَه. او اِیما نِه
مَسح کِرِدِه، ^{۲۲} وُ او مُهرِ خُوشه وُ رِی اِیما رَنَه
کِه هِین اَوْنِیم وُ رُوح خُوشَه چِی بَیغُونَه نِئايَه دِ
مِین دِلْمُو. ^{۲۳} خِدا نِه شَاهِد مِی رِم کِه تَنبا سِی
خاطرِ يَه کِه ناراحتِیْتُو نَکِم، وِرَنگَشْتِیم وُ فُرنَتُس.
^{۲۴} نَه يکِه وُ رِی اِیْمُونُو سَرُورِی بَکِیم، بَلِکِم وا
شِما سِی شايِیْتُو تَقْلا مِی کِیم، سِی يکِه شِما دِ
اِیْمُونُو پايار بَايت.

^۲ پس قِصَت کِرِدِم کِه دِ نِیام والا تُو تا
غُصَه دَارِئُو نَکِم. ^۲ سِی يکِه آر مِه شِما نِه
غُصَه دار بَکِم، دِ کِي تُونَه مِه نِه خُشال بَگَه، غِیر
شِما کِه غُصَه دَارِئُو کِرِدِمَه؟ ^۳ وُ يَه نِه نِيسَنِم، تا
هِه کِه اُومام وُ تَه تُو وُئو کِه بَايس مِه نِه خُشال
بَکِن غُصَه دارِم نَکِن، سِی يکِه وُ گِرِدُئُو اِطْمِیْنُو
دارِم کِه شايِی مِه شايِی گِرِد شِمانَه. ^۴ سِی يکِه
مِه وا دِلی غَم دِبار وُ پَرِيشُو وُ چَش يا پُر دِ اَسِر
سِئُو نِيسَنِم، نَه يکِه غُصَه دَارِئُو بَکِم بَلِکِم تا
دُونِسوئِيت چِئِي زِیاد دُوسْتُو دارِم.

گَنَه کارِ نِه بَوَخَشِيت

^۵ اِیمِدال، آر يکي باعِثِ غُصَه بِي يَه، نَه تَنبا
مِه نِه، بَلِکِم آر دِرو نُومَن تا حَدي گِرِدُئُو نِه
غُصَه دار کِرِدِه. ^۶ سِی چِئِي کِسی گُوشمالِی اِی
کِه بيشْتَر شِما وِش دِئِيتَه، بَس آ. ^۷ پس دِ جالِش

تَنیا دِ مسیح وِرداشته موئه. ^{۱۵} آ، تا وِ ایمر وِ هه که توراب موسی نه موحونن نقوی ها وِ ری دِلشو. ^{۱۶} اما هه که وِرمی گردن والا خداوند، او نقو وِرداشته موئه. ^{۱۷} ایمدال خداوند روح آ، وِ هر جا روح خداوند هی، اوچه آزادی آ. ^{۱۸} وِ گردِ ایما، وا ری بی نقو، جلال خداوند نه داریم، هه چنو که دِ آینه ای سیل می کیم، وِ جور هه او تصویر، دِ جلال وِ جلالی بالاتر عَوْض موئیم؛ وِ یه دِ خداوند سَرچشمه می ره که روح آ.

نیر انجیل

۴ پس، وا داشتین ای خدمت که دِ ری رحیم خدا آ، دِلسرد نموئیم. ^۲ اما ایما ره یا نادرِس وِ قایمکی نه حاشا کِردیمه. ایما آگول بازی نمی کیم یا دَس نموریم دِ کلوم خدا، بلکم، وا گِتهن حقیقت دِ حضور خدا، وجدان همه، ایما نه تصدیق می که. ^۳ وِ حتی آر انجیل ایما پوشسه آ، وِ ری گسونی پوشسه آ که ری وِ نابودی آن. ^۴ دِ بازه پنو خدای ای دنیا عقل یا بی ایمنوئا نه کور کِرده تا نیر انجیل جلال مسیح نه که صورت خدا آ، نئین. ^۵ سی یکه ایما دِ خومو تعریف نمی کیم، بلکم عیسی مسیح نه وِ عنوان خداوند معلوم می کیم، وِ دِ خومو تنیا سی خاطر عیسی، وِ وه هم تنیا وِ عنوان پاکاریا شما قصه می کیم. ^۶ سی یکه هه او خدائی که گت: «نیر دِ مین تاریکی بریقهش بیا»، نیر خوشه دِ دل ایما ون تا شناخت جلال خدا دِ مین ری عیسی مسیح، ایما نه برچه دار بگه.

^۷ اما ایما ای گنج نه دِ کیزه یا گلی داریم، تا دیار با که ای قدرت عظیم دِ خدا آ نه دِ ایما. ^۸ ایما دِ هر لا هایم دِ جر، اما حیرد نموئیم؛ ملاق دِ گپمو برسه، اما ناامید نیسیم؛ ^۹ هایم

شما سفارش نومه ای داشتوئیم؟ ^۲ شما خوتو سفارش نومه ایمانیت، نیسته وِ ری دِل یا مو، تا گرد مردم وه نه بشناسن وِ بخوتن. ^۳ وِ شما نشو مئیت که نومه مسیح هیست که توسط ایما وِ شما رِسه، نیسنه بی یه نه وِ جوهر بلکم وِ روح خدای زنه، نه وِ ری تخته بردیا بلکم وِ ری تخته دِل یا بشری.

^۴ یته آچنی گووه ای که ایما وِ واسطه مسیح وِ خدا داریم. ^۵ نه یکه خومو قابل بایم تا چینی نه وِ جسو خومو بنیمو، بلکم قابل بی یه نمو دِ لا خدا آ، ^۶ که ایما نه قابل کِرد که پاکاریا عهد جدید بایم، عهدی که وِ ری کار روح خدا پایار آ، نه وِ ری نیسته. سی یکه نیسنه می گشه، اما روح خدا، حیات می ته.

جلال عهد جدید

^۷ ایمدال آر خدمتی که تهش مرگ آ، نیسنه ای کِنسه وِ ری برد، وا چنو جلالی اوما که بنی اسرائیل نئونین وِ سته جلالش وِ ری موسی سیل بگن، هر چن او جلال ری وِ خلاصی بی، ^۸ یعنی خدمتی که وِ واسطه روح خدا آ، جلال بیشتری ناره؟ ^۹ سی یکه آر خدمتی که تهش محکومیت آ وِ جلال بی، چنی بیشتر خدمتی که تهش صالح بی یه نه پُر آ دِ جلال. ^{۱۰} وِراسی، او چینی که زمونی پُر دِ جلال بی، ایمدال دِ قیاس وِ ای جلال، دِ زنگریئی ناره. ^{۱۱} سی یکه آر او چینی که نابود موی وارد جلال اوما، چنی بیشتر او چینی که پایار آ، جلال دازه. ^{۱۲} دِ اوچه که چنی آمیدی داریم، وِ دِلوجرات قصه می کیم، ^{۱۳} نه چی موسی، که نقوی وِ ری خوش گشی تا بنی اسرائیل عاقوت وِ او چینی نه که ری وِ خلاصی بی، نئین. ^{۱۴} اما عقلشو کور بیئ. سی یکه تا وِ ایمر وِ، او نقو دِ موقع خنه ن عهد عتیق هه ها وِ جا وِ وِرداشته نویه، سی یکه

جُومَه دِ وَر بَکَنیم، بَلِکِم جُومَه ای هَنی دِ وَر بَکیم، تا حیات، او چِئِی نه که فانی آقیت بَئَه. ^۵ خدا آ که ایما نه سی ای کار آماده کِرده، که روح نه وُمو پِیغُونَه دِئَه.

^۶ پس سی تِه هِه جَسوریم. ایما دُونیم تا زُمونی که دِ ای حُونه دِ ای بدن لیز داریم دِ خداوند دیریم، ^۷ سی یَکه ایما نه وادیته، بَلِکِم وایمو گوم ورمیاریم. ^۸ آ، ایما جَسوریم، و تِه نه بَئیر دُونیم که دِ ای بدن دیر بایم و دِ حُونه و تِه خداوند لیز بَئیریم. ^۹ پس چِه دِ حُونه لیز داشتوئیم و چِه دیر دِ وَه و سَر بَوریم، نَئِئِمُو پَنَه آ که او نه خُشال بَکیم. ^{۱۰} سی یَکه گِردُمُو بایس دِ بَرُوورِ تَخَتِ داواری مسیح حاضر بوئیم، تا هر گه بِنَا و کاریا خو یا گنی که دِ زُمونی که دِ بَدَنِش بی تِه، کِرده، سِزا بَئِئَه.

خدمتِ صول

^{۱۱} پس وای دُونِسَه ن ترس خداوند، مَرِدَم نه قانع می کیم. اما او چِئِی که هیسیم سی خدا دیاری آ، و آمیدم ها و تِه که سی وجدان شِما هم دیاری با. ^{۱۲} ایما نِمی حایم هَنی دِ باره خُومُو تعریف بَکیم بَلِکِم می حایم دلیلی سِئُو بیاریم که وایما تَبالَنیت، تا تُونِسوئیت جُئُو وُئونی نه بَئیت که وایما ظاهر می بالَن تِه و او چِئِی که دِ دِل آ. ^{۱۳} سی یَکه آر عَقْلُمُو نه دِ دَس دِئِئَه، سی خاطر خدا آ؛ آر عاقِلیم، سی خاطر شِمانه. ^{۱۴} سی یَکه محبتِ مسیح ایما نه کَنترل می گه، زوتا پی بُردیم: که یَکی سی همه مُرد، پس همه مُردن. ^{۱۵} و او سی همه مُرد، تا وُئُو که زَنَه آن دِ سی خُوشو زَنَه ئی نَگن، بَلِکِم سی او زَنَه ئی بَگن که سِئُو مُرد وُ زَنَه بی.

^{۱۶} پس، ایما دِ ایسِه وادِما، هِیچ گه نه و طبق جسم نِمی شناسیم. هر چن زُمونی مسیح نه و طبق جسم می شناختیم، ایسِه دِ چنی نی.

دِ عَدُو، اما ول نوبِئِئِمُونَه؛ می کوئیم و زمی، اما هِلاک نوبِئِئِمُونَه؛ ^{۱۰} هِه مرگ عیسی نه دِ بدن خُومُو کول گش می کیم، تا حیاتِ عیسی هم دِ بدن ایما دیاری با. ^{۱۱} سی یَکه ایما که زَنَه آیم، هِه سی خاطرِ عیسی می میریم، تا حیاتِ عیسی هم دِ بدن فانی ایما دیاری با. ^{۱۲} پس مرگ دِ ایما کار می گه؛ اما حیات دِ شِما.

^{۱۳} دِ اوچِه که دِ کِئُو زَبور نِئِئَه بی تِه، «ایمُو اُوردم، پس قِصَه کِردم»، سی یَکه هِه ایی روح ایمُو دِ ایما هم هی، ایما هم ایمُو داریم زوتا قِصَه می کیم. ^{۱۴} دُونیم وَه که عیسی خداوند نه دِ مُردَه یا زَنَه کِرد، ایما نه هم وای عیسی زَنَه می گه وایما نه و شِما و تِه او میاره. ^{۱۵} پَنُو همه سی خاطرِ شِمانه، تا فیضی که نِصِیو بُری وُشری موئَه، شکرگزاری مَرِدَم سی جلالِ خدا بیشِتر بوئَه. ^{۱۶} پس دِلسرد نِموئیم. هر چن بَدَنُمُو می پِئِرتکِئَه، انسان باطِنِئِمُو روز و روز تازه تر موئَه. ^{۱۷} سی یَکه ایی عَدُو یا کُچِکِ گُذرا، جلالی ابدی سِئُو حاضر می گه که وای عَدُو یا قابلِ قِیاس نی، ^{۱۸} پس ایما نه وای چِئِی که وای چش میان، بَلِکِم وای چِئِی که وای چش نِمایان سِیل می کیم. سی یَکه چِئِی که وای چش میان مَنی نیسن، اما چِئِی که وای چش نِمایان هِه هان و جا.

حُونه آسْمُونی ایما

^۵ سی یَکه ایما دُونیم هِه که ایی دُوارِ زمینی که دِ وَه لیز داریم، بَرِمِئَه، عمارتی دِ خدا داریم، حُونه ای که وای دَس نَساختِئَه، ابدی دِ آسْمُونیا. ^۲ سی یَکه دِ ایی دُوارِ هِناسَه میاریم، هایم دِ هَوَس که حُونه آسْمُونِئِمُو نه بَکیم دِ وَر، آر و راسی وای وَر کِرده نِش، لُخِئرو نیسیم. ^۴ سی یَکه تازُمونی که هایم دِ ایی دُوار، وای دردِ گِرو هِناسَه میاریم - سی یَکه نِمی حایم

هَنی هَم اِشناختَه بی یه آیم؛ وائو چی آیم یا دِ حال مُرده تا موئه، و ایمدا زنه آیم؛ وائو چی آیم یا مجازات بی یه تا موئه، و ای حال هَنی هَم نَگیشیمه؛^{۱۰} وائو چی غم دباریا تا موئه، و ای حال هه خُشالیم؛ وائو چی ژاریا تا موئه، و ای حال خیلی یا نه دُوله مَن می کیم؛ وائو هه چی وئو که چیئی نازن تا موئه، و ای حال صُخو هَمه چی هیسیم.

۱۱! مردم فُرنئس، ایما بی پرده وائو قصه کِردیم؛ دِل خُومو نه سیئو گُشنیم.^{۱۲} ایما محبت خُومو نه دِئو دریغ نَکِردیم، بَلِکَم یه شمانیت که محبت خُومو نه دِ ایما دریغ کِردیته.^{۱۳} دِ جالیش (وا شِما هه چی بَجو قصه می کیم) شِما هَم قلب خُومو نه بَگُشیت.

معبد خدای زنه

۱۴ و زیر سیمکه بی ایمونیا تَرَویت. سی یکه صالح بی یه و شربی یه چه پیونی ای دازه؟ یا نیر و تاریکی چه رِقیقی ای دازه؟^{۱۵} مسیح وا بِلِعال یعنی شِیطو چه توافقی دازه؟ یا مومن وا کافر چه بری دازه؟^{۱۶} معبد خدا وا بُت یا چه سازشی دازه؟ سی یکه ایما معبد خدای زنه آیم؛ هه چنُو که خدا دِ تورات و کِئو انبیا گت،

«مه دِ مین وئو مالگه می کیم

و دِ مینشُو ره می رم،

و مه خدای وئو موئم

و وئو قُوم مه موئن.»

۱۷ پس، خداوند دِ کِئو انبیا موئه، «دِ مینشُو بَکیت و دَر و دِئو جگا بایت،

و هیچ چی نِجسی دَس نَزْنیت؛

اوسه مه وئو موئم خُوش اُومایت،

۱۸ و مه موئم و بُوهئو،

و شِما گُرو و دُخِرون مه موئیت،

۱۷ پس آر یکی دِ مسیح با، خلقتی تازَه. چیا کُهنه زَنتَه؛ ایمدا، هَمه چی نو بی یه.^{۱۸} گِرد یئو دِ خدا آ، که و واسطه مسیح، ایما نه و خُوش صُول دِئه و خدمت صُول نه و ایما سِپَرده؛^{۱۹} یعنی، خدا دِ مسیح جاهانه و خُوش صُول بی ده و گُته یا مردم نه نِمی نئا و جِسوئشو، و پِیغوم صُول نه سِپَرده و ایما.^{۲۰} پس، سَفیریا مسیح هیسیم، خدا حاسه خُوشه دِ طریق ایما آنجوم می تَه. ایما دِ لا مسیح دِئو تمنا می کیم، که و خدا صُول بَکیت. خدا و سَنه ایما او نه که گُته نه نَشناخت، کِرد گُته، تا ایما دِ او، عدالت خدا بوئیم.

۶ پس دِ اوچه که هُمکاریا خدا هیسیم، دِئو تمنا می کیم که فیض خدا نه بیخود و دَس نیاریت.^۲ سی یکه خدا دِ کِئو اِشعیا نبی موئه، «دِ زُمونی خو جُئوته دَم،

و دِ روز نجات اُومام و کمیت.»

ایمدا، ایسه زُمونِ خو خدا آ؛ ایمدا، ایسه روز نجات آ.

سختی یا پولس

۳ ایما هیچ بَرَدی دِ وِر ره گسی نِمونیم، نَکه خدمتِمو سِراکو بوئه،^۴ بَلِکَم دِ هر کاری که می کیم نِشو مِئیم که پاکاریا خدائیم: وا طاقَت زیاد دِ تنگی یا، سختی یا، بِلایا،^۵ دِ موقَع فِلَک بی یه نیا، دِ هِلِفدُونیا، بِلوایا، جُوریا، شُویا بی خُوی، دِ گُسنه ئی؛^۶ وا پاکِی، وا شناخت، وا صُور، وا مِزبونی، وا روح القدس، وا محبت خالص،^۷ وا قِصه راس، وا قُوه خدا، وا اِسلحه صالح بی یه و دَس راس وُ چپ؛^۸ چه قُربو نه داشتوئن چه بی عزتِمو بَگن، چه نِوم نَسق وُمو بَنیئن چه تعریف دِمو بَگن. وائو چی آگول بازیا تا موئه، و ای حال هَنی هَم راس موئیم؛ وائو چی بی نِوم وُئشونیا تا موئه، و ای حال

ختم موئه. ^{۱۱} سی یکه سیل بکیت ایی غُصه‌ای که سی خدا، چه شوقی دئو و بار آورده، آلوت هه ایی شوقی که نیشو بئیت تصقیرکار نیست، چه تش گرتنه، چه زله، چه حسرت، چه غیرت، چه آدوکرده! د هر لاحاظ ثابت کِردیتنه که د ایی بابت بی گنه آیت. ^{۱۲} پس وا یکه سیئو نیسنیم، نه و سَنه وه که خبط کِردی، و نه و سَنه وه که د حقش ظلم بیئ، بلکم سی یه بی که د حضور خدا غیرت شما و ایما دیاری با. ^{۱۳} پس ایما دل گوی داریم.

و علاوه و دل گوی خوُمو، ایما د شاپی تیتوس بیشتر خُشال بیئیم، سی یکه شما گردئو جُون او نه تازه کِردیتنه. ^{۱۴} سی یکه هر چن و ته او د هر بابت و شما بالئیم، خجالت نیوئیم. بلکم هه چنوو که هر چی وئو گتیم دُرس بی، ثابت بی که و ته تیتوس هم وجا، وئو بالئیمه. ^{۱۵} و هر گِل که تیتوس اطاعت کِرد شما نه و یای میازه، که چطور و زله و رکو او نه قبول کِردیت، بیشتر وئو دل می وئنه. ^{۱۶} مه خُشالیم، سی یکه دئو تخت خاطر جمعیم.

تشویق کِرده و دس دلوازی

۸ برازو، ایما می حایم شما نه د فیضی که خدا و کلیسایا مقدونیه دئه، و اخور بکیم. ^۲ سی یکه وئو و سَنه تنگی، سخت د اِمتخو بین، اما بی حد شاد آن و وا یکه خیلی ژار آن اما دس دل واز آن. ^۳ سی یکه مه شاه‌لام که وئو و قد او چیئی که د دِیسشو می ما، حتی بیشتر د وه، پا پیش نئانه، ^۴ خیلی ومو جُرسن که د ایی خدمت و ایموداریا و مسیح هم بر بان. ^۵ و یه، نه چنوو که ایما فکر می کِردیم، بلکم وئو اول خُوشو نه و خداوند پیشکش کِردن و اوسه طبق اراده خدا خُوشو نه و ایما دن. ^۱ زوتا، ایما د تیتوس حاسیم هه چنوو که خوش نهاتر

خداوند قادر مطلق یه نه موئه. «
۷ روله‌یا، د اوچه که ایما ایی وعده‌یا نه داریم، ببایت خوُمو نه د هر ناپاکی جسم و روح پاک بکیم، و زله د خدا، مقدس بی یه نه و کمال برسنیم.

خُشالی بولس

^۲ ایما نه د دل خُوتو جا بئیت. د حق کسی گنی نِکِردیمه، کسی نه خِرو نِکِردیمه، د کسی سواستفاده نِکِردیمه. ^۳ مه یه نه نِموئم که محکومئو بکیم، سی یکه نهاتر وئو گتیم که د دِل یامو جا داریت، تا وا یک بمیریم و وا یک زینه بی بکیم. ^۴ مه وا دِلوجرات وائو قِصه می یکم؛ وئو خیلی می بالئیم؛ خیلی دلگرم. د کِرد تنگی یام، پُراپیم د شاپی.

^۵ سی یکه حتی هه که رِسیسم و مقدونیه، گری ستارمُو نِگرت، بلکم د هر لا د تنگی بیئیم- د در مرافه داشتیم و د مین دِل زله. ^۶ اما او خدائی، که آیم یا کِز نه دِل گوی می ئه، و اوما یه ن تیتوس ایما نه دِل گوی ده. ^۷ و نه تنیا و اوما یه ن او بلکم د دِل گوی ای هم که او دئو گرتی، هه که د حسرت شما و غُصه شما و غیرتی که شما و مه داریت وم گت، مه بیشتر خُشال بیئیم.

^۸ سی یکه حتی آر و نومه غُصه دارئو کِردم، د کِرده خُوم پِشیمو نیسم- و یکه پِشیمو بیئیم، سی یکه می نیم او نومه، شما نه غُصه دار کِرد، هر چن تنیا سی مدتی. ^۹ ابیسه خُشالیم، نه د یکه غُصه دار بیئیت، بلکم د یکه ایی غُصه باعث توبه شما بی. سی یکه غُصه شما سی خدا بی، تا هیچ ضرری د لا ایما و شما نرسه. ^{۱۰} سی یکه غُصه‌ای که سی خدا باعث توبه موئه که آخِر سر و نجات ختم موئه و پِشیمونی نازه، د حالی که غُصه‌ای که سی دنیا آ آخِر سر و مرگ

می کیم کہ دِ مینِ گِردِ کلیسیا و سُنہ موعظہ انجیل آشناختہ بی تہ آ۔^{۱۹} و تہ تنیا وہ، بلکم او دِ لا کلیسیا تعین بی تہ تا دِ ای کارِ خیر کہ سی جلالِ خداوند و نشو دِ تہنِ خیرخواہی ایمانہ، هُمسفَرْمو با۔^{۲۰} ایما حواسْمو ہی کہ دِ ای خدمتِ جمع کردہنِ پیشکشیا کہ دِ تہ دِل توسطِ ایما ادارہ موئہ، کسی عیوی نئیئہ و قِمو۔^{۲۱} سی یکہ تَقلا می کیم کہ تہ تنیا دِ تہ خداوند بلکم دِ تہ مردمِ هم او چیئ کہ خو آ بکیم۔

^{۲۲} و وارِد وُئو، پرارْمو نہ کل می کیم کہ ایما بارہا اِمتَحونش کردیمہ و قِسمیمہ کہ دِ خیلی چیا شوق دارہ، اما ایسہ و سُنہ دِل گویای کہ وُئو دارہ بیشتر دِ ہمیشہ شوق دارہ۔^{۲۳} دِ بارہ تیتوس بایس بُوئم کہ، سی خدمت و شِما هُم قطار و هُمکارِ منہ۔ و دِ بارہ پرارْمو هم بایس بُوئم کہ، وُئو قاصدیا کلیسیا و جلالِ مسیح آن۔^{۲۴} پس محبتُو نہ و فخری کہ ایما و شِما داریم دِ حضورِ کلیسیا و ای پیاپا ثابت بکیت۔

پیشکشیا سی مسیحی یا اورشلیم

ایسہ هُوجہای نی کہ دِ بارہ ای خدمتِ ۹ و ایموداریا و مسیح سیئو بنیسیم،^۲ سی یکہ دُونم کہ سی ای کار چہ شوقی داریت، و دِ ای بابت هم و تہ ایموداریا مقدونہ وُئو می بالیم، وُشو گتیمہ کہ شِما پار، دِ ولاتِ آخائتہ سی دِ تہنِ پیشکش آمادہ بیئیتہ۔ و غیرتِ شِما بُری دِ وُئو نہ هم و ای کار واداشت۔^۳ اما ای پرارُو نہ کل می کیم تا فخرْمو و شِما دِ ای بابت غلط دِ او دِرنیا، تا چُنو کہ گتیم، آمادہ بایت۔^۴ نگہ، آر قری دِ مردْمونِ مقدونہ واردِم بیان وُ پی بُورن کہ شِما آمادہ نیسیت، شِما نہ نُمُوئم اما ایما دِ ای گووہای کہ وُئو داشتیمہ،

گومِ اولِ نہ ورداشتی، ایسہ هم ای کارِ خیر نہ و آخر بَرَسوئہ۔^۷ اما هہ چُنو کہ دِ گردِ چیا دِ همہ بیتریت۔ دِ ایمو، دِ قصہ کردہ، دِ شناخت، دِ شوقِ زیاد، و دِ محبتُو و ایما - پس دِ ای کارِ خیر هم دِ همہ بیتر بایت۔

^۸ تہ نہ وُئو هُد نی می کم، بلکم می حامِ محبتِ خالصتُو نہ نِسوت و شوقِ باقی، اِمتَحو بکیم۔^۹ سی یکہ دِ فیضِ خداوندِ ایما عیسی مسیح خورِ داریت، کہ هر چن دُولہ من بی، و سُنہ شِما ژار بی تا دِ ژاری او شِما دُولہ من بایت۔

^{۱۰} و عقیدہ خُومہ دِ ای بازہ مُوئم: تہ و نفعتُوئہ، سی یکہ پار، شِما تہ تنیا ای کارِ نہ شروع کردیت بلکم شوقِشہ هم داشتیت۔^{۱۱} پس ایسہ ای کارِ نہ و آخر بَرَسنیت، تا شوقی کہ و ای کار داشتیت وَا آخر رَسنہنِ وہ و قِد فُوہ مالیتُو جور با۔^{۱۲} سی یکہ آر شوقی بوئہ، پیشکشِ آیم و طبقِ چیئ کہ دارہ قبول موئہ، تہ طبقِ چیئ کہ نازہ۔

^{۱۳} سی یکہ منظور مہ تہ نی کہ باقی دِ راحتی بان و شِما دِ جر بایت، بلکم تہ کہ دِ ری انصاف بوئہ،^{۱۴} کہ دِ زیادی چیئ کہ شِما داریت ایسہ گم گسری وُئو بَرطَرَف بوئہ، تا دِ زیادی چیئ کہ وُئو دارن گم گسری شِما بَرطَرَف بوئہ، تا انصاف بَرقرار بوئہ۔^{۱۵} چُنو کہ دِ کِتوِیا مقدس نیسنہ بی تہ، «وہ کہ زیاد جمع کرد زیادی نااشت، و وہ کہ گم جمع کرد گم کسری نااشت»۔

بونس سفارشِ تیتوس نہ می گہ و فُرنٹس

^{۱۶} اما خدا نہ شکر می کیم، کہ دِ دِلِ تیتوس هم نِئایہ کہ هہ چی مہ دِ تہ دِل و فکرِ شِما با۔^{۱۷} سی یکہ او تہ تنیا حاسہ ایما نہ قبول کرد، بلکم خُوش و شوقِ زیاد، سی اوماپہ و تہ وُپا پیش نئا۔^{۱۸} ایما وارِد او پراری نہ کل

دفاع پولس د خدمتِش

۱ • مِه، پولس، خوم وا نَرَمی و مَرَبُونی مسیح دُئو تمنا دارم-مِنی که هه که وائو ری وری موئم اُفتایه آم، اما هه که دُئو دیرم وائو بُراقم! ۲ مِه وئو می لالکم تا هه که هام و تِه تُو مجبور نوئم وائو و بُراقی رفتار بیکم هه چنُو که مِه و وئو که گُمو می گن ایما و فکریا انسانی رفتار می کیم، بُراق می کم. ۳ سی یکِه هَر چن د جسم زنه ئی می کیم، اما و طبق جسم نِمی جنگیم. ۴ سی یکِه سیلاح جنگ ایما د جسم نی، بلکم قُوَه خدا نه دازه تا قلعه یا نه بَرَمَنه. ۵ ایما هَر بحث و هَر عقیده گپی که و تیشک شناخت خدا سَر وِر دازه نابود می کیم، و هَر فکری نه و اطاعت د مسیح د بن می کیم، ۶ ایما آمادائیم که هَر نااطاعتی نه مجازات بکیم، هه که اطاعت شِما کامل بی.

۷ سیل بکیت، بئینیت چی ها وِر چِشْتو. آر یکِ گُوَوَه دازه که هین مسیح آ، یه نه دُونسوئَه که هه چنُو که او هین مسیح آ، ایما هم هیسیم. ۸ سی یکِه حتی آر تیکونجه ای بیشتر د قَد اقتدارم ببالیم که خداوند وه نه سی بنا شِما وُمو دَئَه، نه سی نابودیتو، بور نموئم. ۹ مِه نِمی حام چنی و نظر بیا که ها و نُومَه یام شِما نه زرتلاق می کم. ۱۰ سی یکِه موئن: «نُومَه یاش سخت و سنگین آ، اما د ری وری سیل سیر آ و قِصَه کِرده نیش هم تعریفی نازه.» ۱۱ بئیل وه که چنی مُوئَه دُونسوئَه که هه او چینی که د نوبه نِم د نُومَه یام مُوئم، هه وِنَه آ که موقع اوماپه نِم، و کار مُورم.

۱۲ نه یه که ایما جرأت می کیم که خومو نه د دَسَه وئو دُونسوئیم که د خُوشو تعریف می گن یا خُوشو نه وایکتری قیاس می گن. بلکم

بور موئم. ۵ پس مِه دِئِم لازم آ د ایی پرازو باحام که وِرز مه بیان و تِه تُو و پیشکش بایی نه که وَعَدَه دِئِئَه تیارک بئین، تا ایی پیشکش، پیشکشی ای با که و میل خُوشو دِئِئَه، نه و زور.

وا شای پیشکش بئیت

۶ و یایئو بوئَه: هَر که و ا گِناسی بکاره گم هم دِرُو می که، و هَر که قَت فراوُو بکاره، قَت فراوُو هم ورمیازه. ۷ هَر که بایس هه چنُو که د دِل قِصَت کِرده، بَئَه، نه و ا بی میلی با و زور، سی یکِه خدا او نه که و شای می و خَشَه دوس دازه. ۸ و خدا نُونَه هَر برکتی نه سیئو زیاد بگه، تا سی همیشَه د گِرِد چیا و قَد خُوشو داشتوئیت، د هَر کار خوئی قَت فراوُو داشتوئیت. ۹ چنُو که د کِتو زبور اوماپه:

«وا دَسِ دلوازی و ژاریا بَخَشْتَه،

عدالتش تا و ابد ها و جا.»

۱۰ وه که مُم سی کشاورز و نُو سی خرده می ئَه مُم تو نه سی کشت کار تیارک مِئِنَه و برکت می ئَه و ثمر عدالت شِما نه زیاد می گه. ۱۱ شِما د هَر بابت دُولَه مَن موئیت تا د هَر بابت دَسِ بده داشتوئیت، که و ایی کار ایما، مردم شکرگزار خدا موئن.

۱۲ سی یکِه ایی خدمت نه تَنیا هُوَجَه یا ایمو داریا نه بَرطَرَف می گه، بلکم شکرگزاریا زیادی والا خدا سَر ریز موئَه. ۱۳ و سَنَه ایی خدمت، مردم خدا نه جلال می گن، سی اطاعتی که وارد اعتراف شِما و انجیل مسیح آ، و هم سی دَسِ دلوازیی که د کمک و وئو و هَمَه نِشُو مِئیت، ۱۴ هه چنی هم و سَنَه فیض عظیم خدا که ها و ری شِما، وئو سیئو دعا می گن و شوق دِئِئَه نِئو نه دارن. ۱۵ خدا نه شکر سی او پیشکشی ای که و حرف نِمیا!

گم داشتوئم. ^۶ حتی آر دِ قِصه کِرده سَرِشته نداشتوئم، دِ معرفت چینی گم نارم؛ دِ راسی، ایما یه نه دِ هر بابت سیئو دِ همه چی روشه کِردیمه.

^۷ یعنی گنه کِردم که خومه خار کِردم تا شما سرفراز بوئیت، سی یکه پیغوم انجیل خدا نه وئو مُفت اِعلوم کِردم؟ ^۸ مه کلیسایا هنی نه غارت کِردم دِشو کمک مالی گِرتیم تا شما نه خدمت بَکیم. ^۹ و هه که مه و شما بیئیم و مُتاج بیئیم، باری ری گِرده کسی نئیئام، سی یکه پرازونی که دِ ولات مقدونیه اوماینی هوجه مه نه رفع کِردن. و مه هیچ باری ری گِردنه ئو یومیه و نموئم. ^{۱۰} قِسم و حقیقت مسیح که ها دِ مه، هیچ که دِ گِرد ولات آخائیه، ای فخر نه دم نیی ره. ^{۱۱} و سی چی؟ یعنی سی یکه دوستو نارم؟ خدا دونه که دارم!

^{۱۲} و کاری نه که ها می کم هه چنو اداقه میئم، تا مجال دِ وئونی بیئیم که می حان ادا بکن هه چنو که ایما خدمت می کیم، خدمت می کن. ^{۱۳} سی یکه چنی آیم یائی، رسولیا دروکنی، غمهلایا آگول باز آن، که خوشو نه و جور رسولیا مسیح درمبارن. ^{۱۴} و یه بلاچی نی، سی یکه خود شیطو هم خوشه و جور یه فرشته نیر در مبارزه. ^{۱۵} پس تعجبی نازه که پاکرایاش هم خوشو نه و جور پاکاریا صالح درازن. دس آخر مجازاتی که حَقْشونه می زن.

عَدوِیا پوئس و عنوانِ یه رسول

^{۱۶} هنی موئم، هیشکه مه نه احمق فرض نکه. اما حتی آر چنی می کیت، دس گم مه نه چی آیم احمقی قبول بکیت، تا مه هم تیکلونجه ای فخر بکیم. ^{۱۷} او چینی که ها و اطمینو دِ فخر خوم موئم، دِ لا خداوند نموئم، بلکم دِ ری نَمی موئم. ^{۱۸} دِ اوچه که بُری و سَنه چیا

وئو سی یکه خوشو نه و خوشو می پیمئن و خوشو نه و خوشو قیاس می کن، احمق آن. ^{۱۳} اما ایما بیشتر دِ حد نمی بالنیم، بلکم تنیا طبق او حدی که خدا سیمو نئانه، و یه حتی شما نه هم میزه دِ ور. ^{۱۴} سی یکه ایما پامو نه دِ حد خومو درازتر نکِردیمه، چنو که مری هیچ خدمتو نکِردیمه. سی یکه ایما اول گسونی بیئیم که انجیل مسیح نه وئو رسنیم. ^{۱۵} ایما حد خومو نه نئه میاریم و و او چینی که باقی کِردنه نمی بالنیم، بلکم امیدو ها و یه که و ترقی ایمونئو، حد خدمت ایما دِ مین شما خیلی گیر بوئه. ^{۱۶} تا تونسوئم انجیل نه و دیاریا دیردس دِ شما اِعلوم بکیم. سی یکه نمی حایم و کاری ببالنیم که ورز یه دِ قلمرو یکی هنی بی یه. ^{۱۷} بئیل «هر که می بالئه، و خداوند ببالئه.» ^{۱۸} سی یکه وه که خوش دِ خوش تعریف می که قبول نموئه، بلکم وه که خدا دیش تعریف بکه.

پوئس و رسولیا دروکنی

کاش ای گم گت حماقت مه نه تحمل بکیت. مه نه تحمل بکیت! ^۲ سی یکه مه و ریئو غیرت دارم و ایی غیرت دِ لا خدا آ، سی یکه شما نه دسگیزون په میزه کِردم، تا هه چی دختر ری بسته پاکی بیئو و مسیح. ^۳ اما مه زلّه می ره هه چنو که مار و آگول بازی خوش خوا نه گول ده، فکریا شما دِ ره درا و تونسوئیت خالص و ریراس سرسپرده مسیح بابت. ^۴ سی یکه آر یکی بیا و ته و و عیسی ای هنی غیر وه که ایما وئو اِعلوم کِردیم، اِعلوم بکه، یا آر شما روحی غیر روح القدسی که گِرتیئه، بئیریت یا آر پیغوم انجیلی نه قبول بکیت غیر او پیغومی که قبول کِردیئه، شما حاضریت و راحتی تحملش بکیت. ^۵ دِ راسی، مه گمو نمی کم دِ او "گپ رسولیا" چینی

۳۰ آر بايس ببالنم، و چيائي مي بالنم كه
ضعف مه نه نشو مي گه. ۳۱ خدا و بوه عيسي
خداوند، وه كه تا ابد هورم آ، دونه كه مه درو
نمويم. ۳۲ د مين شهر دمشق، والي دس نشسته
آرتاس پاتشا، ناتوريائي نيائي د شهر دمشق تا
مه نه بونه د گير. ۳۳ اما مه نه ننان د سلهاي،
د دريژنه اي د ديوار شهر كل كيردن و هار و
چني د قيشو چيستيم.

خارِ جسم پونس

۱۲ مه بايس هه چنو و خوم ببالنم.
هرچن نفعي دش ني، اما مه هه چنو
و گتهن زوييا و مكاشفه يائي كه خداوند دته
اداقه مي ئم. ۱ يكي نه د مسيح مي شناسم، چارده
سال ورز يه وراقته بي و آسمون سيئم- نئونم د
بدن يا و در د بدن، خدا دونه. ۳ و مه دونم كه
اي آيم وراقته بي و بهشت- د بدن يا و در د
بدن نئونم، خدا دونه. ۴ و او چيائي اشفت كه
قابل گته ني، كه آيم نئونم و زوو بپاره. ۵ مه و
اي آيم مي بالنم، اما دباره خوم، غير ضعف يام و
چيئي نيمي بالنم- ۶ آر باحام و خوم ببالنم، نفهم
نيسم، سي يكه حقيقته موئم؛ اما اي كار نه
نمي كم، تا نكه كسي گمو بكه مه گپتر د او چيئي
هيسم كه د مه مئينه و د مه مي شئونه.

۷ اويسه سي يكه و سته گي بي خديسو
مكاشفها غورت نوئم، خاري د بدن وم دن،
قاصدي د لا شيطو، تا عدونم بته و نئيلاه
غورت بام. ۸ د اي باره سه گل لالكيسم و
خداوند، كه وه نه دم ورداره. ۹ اما خداوند وم
گت: «فيض مه سي تو بس آ، سي يكه قدرت

اي دنيا و خوشو مي بالن، مه هم و خوم
مي بالنم. ۱۹ سي يكه شما نفهم يا نه وا كمال
ميل تحمل مي كيت، مري خوئو خيلي عاقليت!
۲۰ سي يكه آر يكي غلمئو بگه، يا قيتئو بته، يا
دئو سواستفاده بگه، يا خوشه د شما بالائر
دونسوته، يا چپالي و ريئو ديته، تحمل مي كيت.
۲۱ خجالت ريئونم، مه بايس بوئم، ايما سي اي
كار خيلي ضعيف بيئم!

اما آر يكي هني جرأت بگه و وه ببالنه- مه چي
يه احمق ها قصه مي كم- مه هم جرأت مي كم
و وه ببالنم. ۲۲ وئو عبراني آن؟ مه هم هيسم.
وئو اسراييلي آن؟ مه هم هيسم. وئو بچون
ابراهيم آن؟ مه هم هيسم. ۲۳ وئو پاكريا مسيح
آن؟ مه د وئو بيترم- آ چي ليوه يا قصه مي كم-
د همه سخت تر كار كردمه، خيلي بيشتر و
هلفدو افتامه، بيشتر د همه فلک بيمه، بيشتر
موقعيا نزيك بي يه بيمر. ۲۴ پنج گل د يهوديو،
سي وئو ضربه شلاق خردم. ۲۵ سه گل گرزكوم
كردنه. يه گل بردبارو بيمه. سه گل گشتيم
غرق بي يه؛ يه شو و يه روز د دريا د مين او بيمه؛
۲۶ د سفريا پشت سر يك، د خطر گلال يا،
خطر غازتگريا، خطر د لا قوم خوم، خطر د لا
غيريهوديو، خطر د شهر، خطر د بياوو، خطر
د دريا، خطر د لا برازون دروكني؛ ۲۷ د سختي و
تنكي، شو نخفتي يا زيادي، دگسنيه ئي و تشنيه ئي،
بيشتر وخت يا بي نوني، د سرما لخت و پتي.
۲۸ و، سوا د پئو، دلهولي سي گرد كليسايا،
باري آ كه هر رو ها و ريم. ۲۹ كته كه ضعيف
بوئه، و مه ضعيف نوئم؟ كته كه بخوزه و زي
و مه سيش نسوزم؟

۲۰ سی یکه زَلَم می رَه که هِه که بیام والاؤو
شما نه هِه چَنو که می حام نئینم، و شما هم
چَنو که می حایت مه نه نئینیت- گاس دِ مینئو،
دم رگه، حَسیدی، غیظ، دُشمینی، بُخُوم، چو
وَنه، غورئو و هِرگه هِرکه ئی با. ۲۱ مه زَلَم می رَه
که هِه که دُواره بیام والاؤو، خدای مه، یه گِل
هَنی مه نه دِ بَرورئو اُفتایه بَگه، و مه مجبور
بام و سَنه قری دِ وئو که دِ زی گَنه کِردنه و
دِ ناپاکِی، بی عفتی، و عیاشی خُوشو توبه نِکِردنه
عازیت دار بام.

هَشتاریا آخِر

۱۳ یه گِل سِئِم آ که میام والاؤو. «هَر
بُخُومی و شاهادتی دو یا سه شاهد
ثابت موئه». ۲ مه و وئونی که دِ نِهاتِر گَنه
کِردن و و گِردِ مردِم هَشتار دَم، و ایسه دِ
نویه نِم وِشو هَشتار می ئِم، هِه چَنو که گِل
دوئم دیمئو، هَشتار دَم، که آر هَنی بیام دِشو
نمی گِدرِم- ۳ سی یکه شما هایت دِ مینی دَلیلی
که مسیح و وسیله مه فَصَه می گه. او دِ قِبَالِ
شما ضعیف نی، بَلِکِم دِ مینئو زوردار. ۴ سی
یکه هِه که او و صلیب گِشِس ضعیف بی، اما
وا قدرتِ خدا زنه ئی می گه. سی یکه ایما هم دِ او
ضعیف ایم، اما دِ رابطه و شما وا قدرتِ خدا
ها زنه ئی می کیم.

۵ خُوتو نه اِمتخو بَکیت، تا بئینیت دِ ایمو
هیسیت یا نه. خُوتو نه اِمتخو بَکیت. یا یه
نه دِ باره خُوتو نمی فَهَمیت، که عیسی مسیح
ها دِ مین شما؟- مَر یکه دِ اِمتخو رِفوزه بایت!
۶ اُمیدِم ها و یکه بی بُوریت که ایما دِ ایی اِمتخو
رِفوزه نوبئیمه. ۷ اما ایما دِ خدا می حایم که
شما خبطی نَکیت- نه یکه چنی و نظر بیا که
ایما دِ اِمتخو و خوئی اوما میمه و دَر، بَلِکِم تا
شما او چیئی نه که دُرس آ بَکیت، هَر چَن

مه دِ ضعف کامل موئه. «پس وا شایِ بیشتری
و ضعف یا خُوم می بالیم، تا قدرتِ مسیح بیایه
و ریم. ۱۰ پس، و سَنه مسیح، و ضعف یا، و
دِشْمونیا، تنگی، جفایا، پلایا، راضی ام، سی
یکه هِه که ضعیف ام، اوسنه که قوی ام.

دِلدهولی بولس سی کلیسا قُرنئس

۱۱ مه نَقَهَم بیمه! شما مجبورم کِردیت، سی
یکه می بایس دِم تعریف می کِردیت. سی یکه
هَر چَن هیچ ام، اما دِ ایی "گپ رسول یا" کَمتر
نوئیم. ۱۲ نِشُونه یا یه رسول واقعی و ناهایت
طاعت، و نِشُونه یا و چیا پِلاجی و کاریا گپ دِ
مینئو اَنجوم بی. ۱۳ سی یکه دِ چه چیئی کَمتر دِ
باقی کلیسایا وئو لطف بی یه جُز یکه مه و ری
شما باری نئینام؟ ایی اشتباه مه نه بَوَخشیت!
۱۴ ایسه سی گِل سِئِم آماده آم بیام والاؤو. و
مه باری ری گِردَه ئو نُمونم، سی یکه مالئو نه
نمی حام بَلِکِم خُوتو نه می حام. سی یکه یه بَجُو
نیسن که سی داآ بُوَه شو بایس پی دَس بُونن،
بَلِکِم داآ بُوَه سی بَجُونِشو پی دَس مُونن. ۱۵ مه
وا دِلْجُو سی جُونِ شما عَرج می کِم و جُونَم
می ئِم. آر مه شما نه بیشتر دوس دارم، یعنی
بایس کَمتر محبت بئینم؟

۱۶ اما و یکه قبول داریت مه باری ری
گِردَه ئو نئینام، لا بُد موئیت آگول باز بئیم، و وا
آگول بازی شما نه و دَس اُورِدَمه. ۱۷ یعنی مه
توسط یکی دِ وئو که کِل کِردم والاؤو، دِئو نفی
بُردِم؟ ۱۸ مه دِ تیتوس حایم رُوئه، و بَرارِمو نه
هم واردش کِل کِردم. یعنی تیتوس نفی دِئو
بُرد؟ مه ایما و یه روح و یه ره رفتار نِکِردیم؟
۱۹ یعنی دِما ایی همه، گِمو کِردیتَه که تَقْلا
می کیم دِ وِر شما دِ خُومو دفاع بَکیم؟ دِ نظرِ
خدا هی که ایما دِ مسیح فَصَه می کیم، عَزِیْزو،
گِرد نه سی تقویت ایموِن شما و جا میاریم.

سَرآخِر

۱۱ سَرآخِر، پَرارو، شایِ بَکیت. فِکرتو یِه با
 کِه دِ سَر قَوّه پَئیریت، وِ یِکتری دِل گُوی پَئیت،
 وَا یِکتری هُم رَأی بایت، دِ صُول وُ سِلامتی زِنه ئی
 بَکیت؛ وِ خدایِ محبت وُ صُول وُ سِلامتی ها
 وَا شِما.
 ۱۲ وِ یِکتری وَا ماچِ مقدس سِلام بَکیت.
 ۱۳ گِردِ ایْمُودارِیا وُتو سِلام می گَن.
 ۱۴ فیضِ خداوندِ عیسی مسیح وِ محبتِ
 خدا وِ رفیقی روح القدس وَا گِردِ شِما با. آمین

وِ نظر بیا کِه ایما شِکس خَر دیمَه. ^۸ سی یِکِه
 ایما نَتُونیم هیچ کاری بَرخلافِ حقیقت بَکیم،
 بَلِکِم هَر چی می کیم سی حقیقت آ. ^۹ سی یِکِه
 هِه کِه ایما ضعیف ایم وِ شِما قَوی هیسیت یِه
 ایما نِه خُشال می گَه. دعا ایما پَنه آ کِه شِما دِ
 سَر پَنا بایت. ^{۱۰} زوتا، دِ نوبِه نِم ایی چیا نِه وُتو
 می نیسنیم، تا هِه کِه اومام وِ تِه تُو، مجبور نوئم
 دِ اقتدارِ خُوم وَا تُوئی رفتار بَکیم، اقتداری کِه
 خداوند سی پَنا کِردِه وِم دِئِه نِه سی خِرُو کِردِه.

